

**БОСНА И ХЕРЦЕГОВИНА  
ПАРЛАМЕНТАРНА СКУПШТИНА  
БОСНЕ И ХЕРЦЕГОВИНЕ**

**ДОМ НАРОДА**

Комисија за спољну и трговинску  
политику, царине, саобраћај и  
комуникације



**BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE**

**DOM NARODA**

Komisija za vanjsku i trgovinsku  
politiku, carine, saobraćaj i komunikacije  
Povjerenstvo za vanjsku i trgovinsku  
politiku, carine, promet i veze

---

Broj: 02/2-50-8-23-16/16

Sarajevo, 30.1.2017.

**IZVJEŠTAJ O RADU**  
**KOMISIJE ZA VANJSKU I TRGOVINSKU POLITIKU, CARINE,**  
**SAOBRAĆAJ I KOMUNIKACIJE**  
**DOMA NARODA**  
**PARLAMENTARNE SKUPŠTINE BOSNE I HERCEGOVINE**  
**ZA PERIOD OD 1.1. DO 31.12.2016.**

**Sarajevo, januar 2017.**

## **S a d r Ź a j**

### **UVOD**

### **POGLAVLJE I. Sjednice Komisije**

**ODJELJAK A. Statistički podaci o sjednicama**

**ODJELJAK B. Zakonodavne aktivnosti**

**ODJELJAK C. Međunarodni sporazumi**

**ODJELJAK D. Godišnji izvještaji**

**ODJELJAK E. Imenovanja**

**ODJELJAK F. Izvještaji o međunarodnim aktivnostima**

**ODJELJAK G. Tematske sjednice**

**ODJELJAK H. Ostali izvještaji i informacije**

### **POGLAVLJE II. Ostale aktivnosti Komisije**

### **POGLAVLJE III. Rezime**

Na osnovu člana 27. stav (2) Poslovnika Doma naroda Parlamentarne skupštine Bosne i Hercegovine ("Službeni glasnik BiH", br. 58/14, 88/15, 96/15 i 53/16) i u skladu s Uputstvom o metodologiji izrade izvještaja o radu komisija Parlamentarne skupštine Bosne i Hercegovine (broj: 01,02-02-4-574-1/13, od 10.4.2014.), Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine podnosi Domu naroda Parlamentarne skupštine Bosne i Hercegovine sljedeći

## **IZVJEŠTAJ O RADU**

(za period od 1.1.2016. do 31.12.2016.)

### ***Uvodne napomene***

Osnovni cilj rada Komisije u izvještajnom periodu bio je da osigura kvalitetnu pripremu rada Doma naroda i što bolje i efikasnije funkcioniranje Doma, a time i Parlamentarne skupštine BiH, provođenjem općih opredjeljenja određenih Ustavom BiH i Dejtonskim mirovnim sporazumom, te politikom koju su utvrdili Predsjedništvo BiH, Vijeće ministara BiH i Parlamentarna skupština BiH, kao i ulogom i zadacima Doma naroda Parlamentarne skupštine BiH.

U skladu s članom 40. Poslovnika Doma naroda Parlamentarne skupštine BiH, Komisija za vanjsku i trgovinsku politiku, carine, saobraćaj i komunikacije:

- prati vođenje vanjske politike koju su utvrdili Predsjedništvo BiH i Vijeće ministara BiH;
- razmatra pitanja saradnje BiH s Ujedinjenim narodima i međunarodnom zajednicom;
- razmatra pitanja međuparlamentarne saradnje s odgovarajućim komisijama parlamenata drugih zemalja;
- razmatra pitanja saradnje s Vijećem Evrope, Interparlamentarnom unijom, Centralnoevropskom inicijativom i Organizacijom za sigurnost i saradnju u Evropi, te drugim međunarodnim organizacijama;
- razmatra pitanja rada s institucijama BiH kompetentnim za pitanja vanjskih poslova i međunarodnih odnosa;
- razmatra aktivnosti stalnih ili privremenih delegacija Parlamentarne skupštine BiH u međuparlamentarnim institucijama;
- razmatra pitanja saglasnosti za ratificiranje međunarodnih ugovora, sporazuma i konvencija;
- razmatra pitanja otkazivanja međunarodnih ugovora, sporazuma i konvencija;
- razmatra pitanja koja se odnose na vanjskotrgovinsku politiku;
- razmatra pitanja koja se odnose na sporazume o međunarodnoj trgovini;
- razmatra pitanja koja se odnose na carinsku politiku;

- razmatra pitanja koja se odnose na tarife, propise i zakone iz svoje oblasti;
- razmatra pitanja koja se odnose na međunarodne obaveze BiH;
- razmatra odnose s međunarodnim trgovinskim institucijama;
- razmatra pitanja koja se odnose na putne isprave;
- razmatra pitanja koja se odnose na boravak i kretanje stranaca;
- razmatra pitanja koja se odnose na uspostavljanje i funkcioniranje zajedničkih i međunarodnih komunikacija;
- razmatra pitanja koja se odnose na reguliranje međuentitetskog saobraćaja;
- razmatra pitanja koja se odnose na kontrolu zračnog saobraćaja;
- razmatra pitanja koja se odnose na kontrolu frekvencija;
- razmatra i druga pitanja iz oblasti međunarodnih i vanjskih poslova, vanjske trgovine, carina, saobraćaja i komunikacija.

## **POGLAVLJE I. SJEDNICE KOMISIJE**

### **Odjeljak A. Statistički podaci o sjednicama**

Kako je predviđeno Odjeljkom C. (Opće odredbe o komisijama Doma), članom 26. stav (2) Poslovnika Doma naroda Parlamentarne skupštine BiH: “Stalne komisije imaju šest članova, dok privremene komisije Doma mogu imati do šest članova. Komisije se popunjavaju srazmjerno klubovima naroda u Domu, od kojih su dvije trećine članova izabrani s teritorije Federacije BiH, a jedna trećina s teritorije Republike Srpske.“

U skladu s tim, članovi Komisije za vanjsku i trgovinsku politiku, carine, saobraćaj i komunikacije Doma naroda tokom 2016. godine bili su: Nebojša Radmanović, predsjedavajući, Sead Kadić, prvi zamjenik, i Mario Karamatić, drugi zamjenik predsjedavajućeg, Ognjen Tadić, Martin Raguž i Fahrudin Radončić, članovi.

Sjednicu Komisije saziva predsjedavajući Komisije, u skladu s članom 30. Poslovnika, i to, u pravilu, pet dana prije održavanja sjednice, osim ako ne postoje opravdani razlozi za njeno sazivanje u kraćem vremenu.

Predsjedavajući Komisije, u saradnji sa sekretarom, organizira rad Komisije. Za svaku godinu priprema se radni plan, čiji su sadržaj i rokovi za realiziranje postavljeni okvirno, prema očekivanim aktivnostima na nivou Bosne i Hercegovine i prema potrebnoj koordinaciji s drugim tijelima nadležnim za vanjsku i trgovinsku politiku, carine, saobraćaj i komunikacije. Moguće je pomjerati rokove za razmatranje pitanja iz plana, zavisno od vremena dospijevanja materijala od nadležnih institucija, sa osnovnim ciljem da se materijali što kraće zadržavaju u Komisiji i u parlamentarnoj proceduri. Datumi održavanja svake sjednice, te prisustvo članova Komisije sjednicama mogu se vidjeti u tabelarnom prikazu (prilog).

Zavisno od dnevnog reda, odnosno broja materijala čije je razmatranje predviđeno za određenu sjednicu, određuje se i vrijeme trajanja sjednice. Treba napomenuti da se nikada tačno ne određuje trenutak završetka određene sjednice Komisije za vanjsku i trgovinsku politiku, carine, saobraćaj i komunikacije. Naime, uvijek se omogućava i ostavlja dovoljno vremena izvjestiocima, predlagačima i članovima Komisije da iskažu svoje mišljenje, stav ili postavite pitanje u vezi s materijalom o kojem se raspravlja.

Komisija je u izvještajnom periodu održala trinaest (13) sjednica:

- 15. sjednica	9.2.	10 tačaka dnevnog reda
- 16. sjednica	2.3.	8 tačaka dnevnog reda
- 17. sjednica	22.3.	5 tačaka dnevnog reda
- 18. sjednica	4.4.	3 tačke dnevnog reda
- 19. sjednica	27.4.	9 tačaka dnevnog reda
- 20. sjednica	26.5.	10 tačaka dnevnog reda
- 21. sjednica	16.6.	5 tačaka dnevnog reda
- 22. sjednica	13.7.	7 tačaka dnevnog reda
- 23. sjednica	30.8.	9 tačaka dnevnog reda
- 24. sjednica	27.10.	13 tačaka dnevnog reda
- 25. sjednica	17.11.	1 tačka dnevnog reda
- 26. sjednica	22.11.	12 tačaka dnevnog reda
- 27. sjednica	13.12.	21 tačka dnevnog reda

Na sjednicama Komisije razmatrano je ukupno 113 tačka dnevnog reda, što je u prosjeku 9 tačaka po sjednici.

Komisiju u njenom radu opslužuje Ured sekretara Komisije. Opći i posebni poslovi koje obavlja Ured sekretara Komisije regulirani su čl. 21. i 29. Pravilnika o unutrašnjoj organizaciji i sistematizaciji radnih mjesta u Sekretarijatu Parlamentarne skupštine BiH. Aktivnosti na sjednici bilježi sekretar Komisije. U saradnji s predsjedavajućim, sekretar Komisije izrađuje zapisnik koji članovi Komisije usvajaju, u pravilu, na narednoj zakazanoj sjednici.

U Uredu sekretara zaposlena su tri državna službenika: sekretar Komisije (Nenad Pandurević), stručna savjetnica (Kristina Milošević) i stručna saradnica (Dobrinka Savić).

## **Odjeljak B. Zakonodavne aktivnosti**

U izvještajnom periodu Komisija je razmatrala tri prijedloga zakona, i to:

1. Prijedlog zakona o izmjeni Zakona o Javnom radiotelevizijskom sistemu Bosne i Hercegovine, predlagač: Vijeće ministara BiH,
2. Prijedlog zakona o izmjenama i dopunama Zakona o radnom vremenu, obaveznim odmorima mobilnih radnika i uređajima za evidentiranje u drumskom prijevozu, predlagač: Vijeće ministara BiH, i
3. Prijedlog zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini, predlagač: Vijeće ministara BiH.

Prijedlog zakona o izmjeni Zakona o Javnom radiotelevizijskom sistemu Bosne i Hercegovine razmatran je u Komisiji u prvoj fazi, a Dom naroda PSBiH je na 17. sjednici, održanoj 4.4.2016., usvojio Zakon u prvom i u drugom čitanju, u skladu s članom 103. stav (4) Poslovnika Doma naroda.

Druga dva prijedloga zakona: Prijedlog zakona o izmjenama i dopunama Zakona o radnom vremenu, obaveznim odmorima mobilnih radnika i uređajima za evidentiranje u drumskom prijevozu i Prijedlog zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini razmatrana su u Komisiji u oba čitanja.

Prilikom razmatranja oba zakona u prvoj i drugoj komisijskoj fazi Domu naroda su blagovremeno dostavljena mišljenja, odnosno izvještaji i obavljene sve aktivnosti u vezi s podnošenjem amandmana.

Prijedlog zakona o izmjenama i dopunama Zakona o radnom vremenu, obaveznim odmorima mobilnih radnika i uređajima za evidentiranje u drumskom prijevozu usvojen je u Domu naroda PSBiH na 21. sjednici, održanoj 14.7.2016., a Prijedlog zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini usvojen je u Domu naroda na 25. sjednici, održanoj 15.12.2016.

Na osnovu programa rada Vijeća ministara BiH za 2016., a koji su poslužili kao osnov za izradu Orijeñacionog plana Komisije za 2016.godinu, bilo je predviđeno da u parlamentarnu proceduru bude upućeno ukupno 12 prijedloga zakona iz nadležnosti Komisije.

Osim navedenih prijedloga zakona koje je Komisija razmatrala, u parlamentarnu proceduru dostavljen je i *Prijedlog zakona o izmjenama i dopunama Zakona o međunarodnom i međuentitetskom drumskom prijevozu, koji će Komisija razmatrati tokom 2017. godine.*

Dakle, u parlamentarnu proceduru nisu dostavljeni, iako su bili predviđeni Planom rada Vijeća ministara za 2016. godinu, sljedeći prijedlozi zakona: *Prijedlog zakona o postupku zaključivanja i izvršavanja međunarodnih ugovora, Prijedlog zakona o veterinarstvu u Bosni i Hercegovini, Prijedlog zakona o mjeriteljstvu Bosne i Hercegovine, Prijedlog zakona o civilnom zrakoplovstvu, Prijedlog zakona o zrakoplovstvu BiH, Prijedlog zakona o izmjenama i dopunama Zakona o poljoprivredi, ishrani i ruralnom razvoju Bosne i Hercegovine, Prijedlog zakona o izmjenama i dopunama Zakona o hrani, Prijedlog zakona o elektronskim medijima u BiH i Prijedlog zakona o prijenosu, regulatoru i unutrašnjem tržištu, operatoru sistema električne energije.*

## **Odjeljak C. Međunarodni sporazumi**

U navedenom periodu ukupno je razmatrano 59 međunarodnih pravnih akata:

1. Sporazum o izmjenama Sporazuma između Vijeća ministara Republike Albanije i Vijeća ministara Bosne i Hercegovine o uzajamnim putovanjima državljana;
2. Akti Svjetske poštanske unije (UPU) usvojenih na Kongresu u Dohi 2012. godine: Opći pravilnik Svjetske poštanske unije, Svjetske poštanske konvencije, Završni protokol Svjetske poštanske konvencije i Sporazum o poštanskim finansijskim uslugama;
3. Sporazum između Bosne i Hercegovine i Švicarskog federalnog vijeća koji se odnosi na redovni zračni saobraćaj;
4. Memorandum o razumijevanju između Vijeća ministara Bosne i Hercegovine i Vlade Republike Srbije o saradnji u oblasti telekomunikacija;
5. Sporazum između Vijeća ministara Bosne i Hercegovine i Vlade Republike Srbije o saradnji u oblasti zaštite okoliša i održivog razvoja;
6. Sporazum između Bosne i Hercegovine i Evropske unije o uspostavi okvira za učesće Bosne i Hercegovine u operacijama Evropske unije za upravljanje krizama;
7. Nota sporazum između Vijeća ministara Bosne i Hercegovine i Vlade Savezne Republike Njemačke o prihvatanju projekata tehničke saradnje za period 2008.-2012.;
8. Ugovor o zajmu (Projekat „Regionalni vodovod Plava voda“) između Bosne i Hercegovine i Evropske banke za obnovu i razvoj;
9. Protokol između Vijeća ministara Bosne i Hercegovine i Vlade Grčke Republike o provođenju Sporazuma između Evropske zajednice i Bosne i Hercegovine o readmisiji lica koja borave bez dozvole;
10. Okvirni sporazum o zajmu između Razvojne banke Vijeća Evrope i Bosne i Hercegovine LD 1836 (2014) – kredit za socijalni program stambenog zbrinjavanja u BiH, u Republici Srpskoj;
11. Protokol o saradnji u traženju nestalih osoba između Vijeća ministara BiH i Vlade Republike Srbije;

12. Protokol o prekograničnom nadzoru između Vijeća ministara Bosne i Hercegovine i Vlade Crne Gore;
13. Nota sporazum – razmjena nota između Vijeća ministara Bosne i Hercegovine i Vlade Narodne Republike Kine o dodjeli bespovratne pomoći;
14. Sporazum između Vijeća ministara BiH i Vlade Republike Bjelorusije o ukidanju viza za nosioce diplomatskih i službenih pasoša;
15. Ugovor o zajmu (Projekat Koridor 5c 2) između Bosne i Hercegovine i Evropske banke za obnovu i razvoj;
16. Sporazum o finansiranju programa posebnih mjera oporavka nakon poplava i upravljanja rizikom od poplava –između Bosne i Hercegovine i Evropske unije;
17. Ugovor o Centru za istraživanje i inovacije Zapadnog Balkana – WISE;
18. Sporazum između Vijeća ministara Bosne i Hercegovine i Vlade Republike Austrije o naučnoj i tehnološkoj saradnji;
19. Sporazum između Vijeća ministara Bosne i Hercegovine i Kabineta ministara Ukrajine o saradnji u borbi protiv kriminala;
20. Sporazum o finansiranju programa aktivnosti prekogranične saradnje Bosna i Hercegovina – Crna Gora za 2014. godinu između Bosne i Hercegovine i Evropske unije;
21. Sporazum o finansiranju državnog programa aktivnosti za Bosnu i Hercegovinu za 2014. godinu između Bosne i Hercegovine i Evropske unije;
22. Amandman na Sporazum o finansiranju za tehničku pomoć za autoput na Koridoru 5c - BiH;
23. Sporazum o zajmu između Bosne i Hercegovine i OPEC-ovog Fonda za međunarodni razvoj (OFID) – Projekat razvoja ruralnog preduzetništva;
24. Ugovor o grantu - Projekat vodosnabdijevanja Gradačac;
25. Sporazum o grantu u vezi s Regionalnim programom stambenog zbrinjavanja – BiH4 (2015);
26. Sporazum između Vijeća ministara BiH i Vlade Kraljevine Saudijske Arabije o saradnji u oblasti borbe protiv kriminala;
27. Sporazum o grantu za Projekat za jačanje finansijskog upravljanja i kontrole;
28. Sporazum o finansiranju za Program razvoja konkurentnosti u ruralnim područjima (RCDP);
29. Sporazum o grantu između Bosne i Hercegovine i Razvojne banke Vijeća Evrope u vezi s Regionalnim programom stambenog zbrinjavanja;
30. Prvi amandman na Sporazum o finansiranju za Projekat registracije nekretnina;
31. Ugovor o finansiranju - Modernizacija puteva Federacije Bosne i Hercegovine;
32. Protokol o implementaciji Sporazuma s Republikom Slovenijom o readmisiji lica koja borave bez dozvole;
33. Sporazum s Vladom Republike Poljske o zaštiti tajnih podataka;
34. Sporazum s Vladom Republike Kipar o saradnji u oblasti turizma;
35. Izmjene i dopune Statuta i njegovog Aneksa (Pravila finansiranja) koje je usvojila Generalna skupština od osnivanja Svjetske turističke organizacije (UNWTO);
36. Sporazum o osnivanju Fonda Zapadnog Balkana;



37. Sporazum između Vijeća ministara Bosne i Hercegovine i Vlade Republike Turske o saradnji u vojnoj obuci;
38. Sporazum s Vladom Republike Makedonije o kolokaciji diplomatsko-konzularnih predstavništava;
39. Sporazum o finansiranju državnog programa aktivnosti za Bosnu i Hercegovinu za 2015. godinu;
40. Prvi amandman na Sporazum o finansiranju (Projekat hitnog oporavka od poplava) između Bosne i Hercegovine i Međunarodne asocijacije za razvoj;
41. Sporazum za IPA II. - Program prekogranične saradnje Srbija – Bosna i Hercegovina 2014.-2020.;
42. Sporazum o finansiranju programa aktivnosti prekogranične saradnje Bosna i Hercegovina – Srbija za 2015.;
43. Sporazum o zajmu za Projekat “Razvoj infrastrukture u Goraždu”;
44. Sporazum o trgovinskoj i ekonomskoj saradnji s Vladom Kraljevine Maroko;
45. Sporazum s Vladom Kraljevine Maroko o uzajamnom ukidanju viza za nosioce diplomatskih, službenih i posebnih pasoša;
46. Ugovor o zajmu za Projekat „Vodovod Visoko“;
47. Sporazum o učešću Bosne i Hercegovine u programu Unije “Konkurentnost preduzeća i malih i srednjih preduzeća (COSME) (2014.-2020.)”;
48. Protokol o strateškoj procjeni okoliša uz Konvenciju o procjeni uticaja na okoliš preko državnih granica;
49. Sporazum o operativnoj i strateškoj saradnji između Bosne i Hercegovine i Ureda Evropske policije;
50. Sporazum s Vladom Gruzije o međunarodnom drumskom prijevozu;
51. Sporazum s Vladom Republike Hrvatske o saradnji u oblasti zaštite okoliša i održivog razvoja;
52. Ugovor broj 1 o Amandmanu na Ugovor o zajmu za Projekat „Sarajevo – projekat gradskih saobraćajnica“;
53. Ugovor o zajmu za Projekat „Putevi FBiH – Popravka nakon poplava i modernizacija“;
54. Sporazum o grantu za Državni projekat stambenog zbrinjavanja;
55. Sporazum o grantu za Projekat upravljanja slivom rijeke Drine na zapadnom Balkanu;
56. Amandman br. 1 na Ugovor o finansiranju za Projekat „Vodovod i kanalizacija RS-a“;
57. Dodatni protokol uz Konvenciju Vijeća Evrope o sprečavanju terorizma;
58. Pariski sporazum uz Okvirnu konvenciju Ujedinjenih naroda o klimatskim promjenama;
59. Sporazum između Evropske unije i Bosne i Hercegovine o učešću Bosne i Hercegovine u programu “Evropa za građane”.

Nadležna ministarstva blagovremeno su obavještavana o razmatranju sporazuma iz njihove nadležnosti i njihovi predstavnici su prisustvovali sjednicama Komisije.

Za sve međunarodne ugovore razmatrane na sjednicama Komisija je blagovremeno dostavila izvještaje Domu naroda s prijedlogom Komisije za davanje saglasnosti za ratifikaciju, odnosno otkazivanje međunarodnog sporazuma.

## **Odjeljak D. Godišnji izvještaji**

U toku 2016. godine na sjednicama Komisije razmatrani su sljedeći izvještaji o aktivnostima institucija BiH koje spadaju u nadležnost Komisije, i to:

1. Izvještaj o radu Upravnog odbora Izvozno-kreditne agencije BiH za 2015. godinu,
2. Izvještaj o realizaciji planskih dokumenata za 2015. godinu, Izvještaj o obavljenoj reviziji finansijskog poslovanja BHRT-a za 2015. godinu, Finansijski plan i planovi programa BHR 1 i BHT 1 za 2016. godinu, materijal Upravnog odbora BHRT-a,
3. Izvještaj o radu i finansijski izvještaj Agencije za poštanski saobraćaj Bosne i Hercegovine za 2015. godinu,
4. Izvještaj o radu Državne regulatorne komisije za električnu energiju za 2015. godinu,
5. Izvještaj o radu Vijeća ministara BiH za 2015. godinu u dijelu nadležnosti Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH, i to:
  - Ministarstva vanjskih poslova BiH,
  - Ministarstva vanjske trgovine i ekonomskih odnosa BiH, osim u dijelu koji se odnosi na uvoz i izvoz naoružanja i vojne opreme,
  - Ureda za veterinarstvo BiH,
  - Uprave BiH za zaštitu zdravlja bilja,
  - Ureda za harmonizaciju i koordinaciju sistema plaćanja u poljoprivredi, ishrani i ruralnom razvoju BiH,
  - Ministarstva komunikacija i prometa BiH,
  - Regulatorne agencije za komunikacije BiH i
  - Agencije za sigurnost hrane BiH.
6. Godišnji izvještaj iz oblasti poljoprivrede, ishrane i ruralnog razvoja za Bosnu i Hercegovinu za 2015. godinu.

Komisija je blagovremeno razmotrila sve dostavljene izvještaje, a Domu naroda dostavljena su mišljenja Komisije o svim navedenim izvještajima, u kojima je Komisija, između ostalog, davala i konkretne prijedloge zaključaka.

## **Odjeljak E. Imenovanja**

Komisija je u 2016. godini razmatrala i sljedeća pitanja u vezi s imenovanjima:

1. Prijedlog odluke o imenovanju članova Državne regulatorne komisije za električnu energiju iz Federacije Bosne i Hercegovine, materijal Vijeća ministara BiH, i
2. Rang-liste kandidata za članove Upravnog odbora Javnog radiotelevizijskog servisa Bosne i Hercegovine iz bošnjačkog, hrvatskog i srpskog naroda, akt Regulatorne agencije za komunikacije

Nakon razmatranja na sjednici, mišljenja Komisije blagovremeno su dostavljena Domu naroda na daljnji postupak.

## **Odjeljak F. Izvještaji o međunarodnim aktivnostima**

U okviru svoje nadležnosti, a na osnovu odredbi Pravilnika o međunarodnim aktivnostima Parlamentarne skupštine BiH, na sjednicama Komisije u navedenom periodu razmatrano je ukupno 19 izvještaja sa službenih putovanja parlamentarnih komisija i delegacija.

## **ODJELJAK G. Tematske sjednice**

Komisija je održala i jednu tematsku sjednicu (25. sjednica, održana 17.11.2016.) posvećenu samo jednoj tački dnevnog reda „Stanje i perspektive sektora poljoprivrede u Bosni i Hercegovini“. Planom rada za 2016. godinu Komisija je predvidjela održavanje tematskih sjednica. Dom naroda Parlamentarne skupštine Bosne i Hercegovine je prilikom razmatranja Godišnjeg izvještaja iz oblasti poljoprivrede, ishrane i ruralnog razvoja za BiH za 2015. godinu na 22. sjednici, održanoj 31.8.2016., usvojio zaključke u kojima je, između ostalog (tačkom 5.), predviđeno da će *„Dom naroda u 2017. godini organizirati tematsku sjednicu o stanju u poljoprivredi nakon održavanja tematskih sjednica i javnih rasprava u svim nadležnim institucijama i parlamentarnim komisijama“*. S ciljem realizacije navedenog zaključka Doma naroda, Komisija je kao nadležna komisija u Domu naroda odlučila organizirati tematsku sjednicu o stanju u sektoru poljoprivrede u Bosni i Hercegovini.

Tematskoj sjednici prisustvovali su predstavnici svih relevantnih institucija u oblasti poljoprivrede u Bosni i Hercegovini: Ministarstva vanjske trgovine i ekonomskih odnosa BiH (uključujući urede u njegovom sastavu: Ured za veterinarstvo, Ured za harmonizaciju i koordinaciju sistema plaćanja u poljoprivredi, ishrani i ruralnom razvoju, te Upravu BiH za zaštitu zdravlja bilja), Agencije za sigurnost hrane, Direkcije za evropske integracije, nadležnih

entitetskih ministarstava, nadležnih kantonalnih ministarstava, vodećih udruženja poljoprivrednika iz oba entiteta, Delegacije Evropske komisije u BiH, Vanjskotrgovinske komore BiH, nadležnih entitetskih privrednih komora, te predstavnici naučnoistraživačkih institucija u oblasti poljoprivrede. Po okončanju tematske sjednice, Komisija je pripremila izvještaj koji će nakon što ga Komisija razmotri i usvoji biti upućen Domu naroda na razmatranje.

## **Odjeljak H. Ostali izvještaji i informacije**

Osim izvještaja o radu, Komisija je u okviru svoje nadležnosti razmatrala i druge vrste informacija i dokumenata, od kojih izdvajamo samo najznačajnije:

1. Prijedlog izvještaja o radu Komisije za vanjsku i trgovinsku politiku, carine, saobraćaj i komunikacije Doma naroda PSBiH za 2015. godinu;
2. Prijedlog orijentacionog plana rada Komisije za vanjsku i trgovinsku politiku, carine, saobraćaj i komunikacije Doma naroda PSBiH za 2016. godinu;
3. Inicijativa Vanjskotrgovinske komore BiH u vezi s primjenom Zakona o carinskoj politici BiH;
4. Prijedlog izvještaja s tematske sjednice Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH „Stanje i perspektive sektora poljoprivrede u Bosni i Hercegovini“, održane 17.11.2016.

Nakon razmatranja na sjednicama Komisije, pripremljeni su i Kolegiju Doma naroda, odnosno Domu naroda (u zavisnosti od sadržaja materijala) dostavljeni izvještaji o stavovima Komisije za svaki od navedenih materijala.

## **POGLAVLJE II. OSTALE AKTIVNOSTI KOMISIJE**

Osim redovnih sjednica Komisije, Komisija je u 2016. učestvovala i u drugim aktivnostima.

Osim redovnih sjednica članovi Komisije su tokom prvog polugodišta 2016. pozivani da učestvuju u većem broju različitih aktivnosti, a ovdje izdvajamo najznačajnije:

- Učešće Ognjena Tadića na konferenciji „Proširenje Evropske unije – razmjena iskustava“, Sofija, 26. i 27.2.2016.
- Prezentacija „Vanjskotrgovinska razmjena Bosne i Hercegovine sa svijetom u 2015. godini i aktivnosti Vanjskotrgovinske komore BiH u 2015. godini“, Sarajevo, 10.2.2016.;

- Zajednički sastanak predstavnika Komisije za vanjsku i trgovinsku politiku, carine, saobraćaj i komunikacije DNPSBiH i Komisije za vanjske poslove PDPSBiH s Grupom za bilateralnu saradnju Predstavničkog doma Parlamenta Republike Indonezije, Sarajevo, 4.4.2016.;
- Član Komisije Mario Karamatić učestvovao je na otvaranju sjedišta Međunarodne komisije za nestale osobe (ICMP), Hag, 7. i 8. juli 2016.;
- Ured sekretara Komisije organizirao je sastanak Parlamentarnog plenuma Energetske zajednice, u Sarajevu, 13.10.2016. (zgrada PSBiH). U ime Parlamentarne skupštine BiH sastanku su prisustvovali Mladen Bosić i Safer Demirović, članovi Parlamentarnog plenuma, te Ljilja Zovko, zamjenski član, te predstavnici parlamenata zemalja članica Energetske zajednice;
- Zajednički sastanak Parlamentarne grupe prijateljstva Bundestaga za BiH s članovima Komisije za vanjsku i trgovinsku politiku, carine, saobraćaj i komunikacije Doma naroda PSBiH i Komisije za vanjske poslove Predstavničkog doma PSBiH, Sarajevo, 24.10.2016.,
- Konferencija o javnim medijskim servisima i demokratiji, Prag, 10. i 11. novembra 2016. godine u organizaciji Vijeća Evrope, Parlamentarne skupštine Vijeća Evrope, Evropske radiodifuzne unije (*EBU – European Broadcasting Union*), Parlamenta Češke Republike i Češke televizije, dok su Evropski parlament, Organizacija za evropsku sigurnost i saradnju (OSCE) te Evropska novinarska federacija također podržali ovaj skup. U ime Parlamentarne skupštine Bosne i Hercegovine na konferenciji su učestvovali: Momčilo Novaković, predsjedavajući Komisije za saobraćaj i komunikacije Predstavničkog doma PSBiH, te Sead Kadić, prvi zamjenik, i Mario Karamatić, drugi zamjenik predsjedavajućeg Komisije za vanjsku i trgovinsku politiku, carine, saobraćaj i komunikacije Doma naroda PSBiH.
- Zajednički sastanak Delegacije Odbora za evropske integracije Narodne skupštine Republike Srbije s članovima Komisije za vanjsku i trgovinsku politiku, carine, saobraćaj i komunikacije Doma naroda PSBiH i Komisije za vanjske poslove Predstavničkog doma PSBiH, Sarajevo, 29.11.2016.,
- Prezentacija direktora Sekretarijata Energetske zajednice Janeza Kopača o temi: „Aktuelne aktivnosti Energetske zajednice i provođenje Ugovora o Energetskoj zajednici u Bosni i Hercegovini“, 12.12.2016. (u zgradi PSBiH). Organizatori prezentacije bili su Komisija za saobraćaj i komunikacije Predstavničkog doma i Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH. Prezentacija je organizirana za sve poslanike i delegate iz Parlamentarne skupštine BiH kao i za predstavnike institucija iz Bosne i Hercegovine iz energetskeg sektora. U ime Komisije prezentaciji je prisustvovao Sead Kadić, prvi zamjenik predsjedavajućeg.

## **POGLAVLJE III. R E Z I M E**

Može se konstatirati da je rad Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH u 2016. godini bio uspješan. Rad Komisije u najvećoj mjeri zavisio je od materijala koje je dostavilo Vijeće ministara BiH, odnosno Predsjedništvo BiH.

Svi materijali iz nadležnosti Komisije blagovremeno su razmatrani, a svi izvještaji, mišljenja i drugi akti blagovremeno su dostavljani predsjedavajućem, odnosno Kolegiju Doma naroda na daljnji postupak.

Osim toga, članovi Komisije prisustvovali su i drugim sastancima i skupovima na kojima su razmatrane teme i pitanja iz nadležnosti Komisije.

Svojim radom Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH u 2016. maksimalno je nastojala doprinijeti uspješnom radu Doma naroda.

Predsjedavajući Komisije

**Nebojša Radmanović**

*Prilog:*

*Tabela 1. Pregled sjednica Komisije s tačkama dnevnog reda i prisustvom, 1.1.-31.12.2016.*

*Tabela 2. Prisustvo sjednicama Komisije, 1.1.-31.12.2016.*

*Tabela 1. Pregled sjednica Komisije s tačkama dnevnog reda i prisustvom, 1.1.-31.12.2016.*

<b>Broj i datum održavanja</b>	<b>Broj razmatranih tačaka</b>	<b>Prisustvo članova</b>
15. sjednica 9.2.2016.	10	67
16. sjednica 2.3.2016.	8	83
17. sjednica 22.3.2016.	5	83
18. sjednica 4.4.2016.	3	67
19. sjednica 27.4.2016.	9	67
20. sjednica 26.5.2016.	10	67
21. sjednica 16.6.2016.	5	67
22. sjednica 13.7.2016.	7	83
23. sjednica 30.8.2016.	9	83
24. sjednica 27.10.2016.	13	67
25. sjednica 17.11.2016.	1	83
26. sjednica 22.11.2016.	12	67
27. sjednica 13.12.2016.	21	67
<b>Ukupan broj sjednica: 13</b>	<b>Ukupno tačaka: 113</b>	<b>Prosjek prisustva: 73 %</b>

Tabela 2. Prisustvo sjednicama Komisije, 1.1.-31.12.2016.

Sjednice/članovi	Nebojša Radmanović	Sead Kadić	Mario Karamatić	Ognjen Tadić	Fahrudin Radončić	Martin Raguž	Ukupno
15. sjednica 9.2.	+	+	+	- (O)	- (O)	+	<b>4</b>
16. sjednica 2.3.	+	+	+	+	- (O)	+	<b>5</b>
17. sjednica 22.3.	+	+	+	+	-(O)	+	<b>5</b>
18. sjednica 4.4.	+	+	+	+	-(O)	-(O)	<b>4</b>
19. sjednica 27.4.	-(O)	+	+	+	-(O)	+	<b>4</b>
20. sjednica 26.5.	+	+	+	+	-(O)	-(O)	<b>4</b>
21. sjednica 16.6.	+	+	+	+	-(O)	-(O)	<b>4</b>
22. sjednica 13.7.	+	+	+	+	-(O)	+	<b>5</b>
23. sjednica 30.8.	+	+	+	+	-(O)	+	<b>5</b>
24. sjednica 27.10.	+	+	+	-(O)	-(O)	+	<b>4</b>
25. sjednica 17.11.	+	+	+	+	-(O)	+	<b>5</b>
26. sjednica 22.11.	+	+	+	-(O)	-(O)	+	<b>4</b>
27. sjednica 13.12.	+	+	+	-(O)	+	-(O)	<b>4</b>
<b>Ukupno</b>	<b>12/13</b>	<b>13/13</b>	<b>13/13</b>	<b>9/13</b>	<b>1/13</b>	<b>9/13</b>	<b>57/78</b>
<b>%</b>	<b>92</b>	<b>100</b>	<b>100</b>	<b>69</b>	<b>8</b>	<b>69</b>	<b>73</b>

Legenda: (O) – Opravdano odsutan